

Were das also, des wir vns nicht vorsehin, wullet Hansen Kramer darczu fur eynem andern lassen komen, ab er darczu beqweme were, durch vnsire furbete; kumpt vns zu gutem dancke. Gegeben zu Wittemberg am sonstage nach Valentini anno 1c. XLIX^{mo}.

Dem rate zu Dreßden vnsern liben getruwen.

Nach dem Orig. auf Papier im K. Haupt-Staatsarchiv zu Dresden.

No. 234. 1449. 15. Apr.

Kurf. Friedrich II. bestätigt Altdresden das von Markgraf Wilhelm unter dem 21. Dec. 1403 ertheilte Stadtrechtprivilegium (No. 117).

Wir von gots gnaden Friderich herzog zu Sachsen, des heiligen Romischen richs erczmarschalck, lantgraf in Doringen vnd margraf zu Missen bekennen fur vns, vnsere erben vnd nachkomen vnd tun kunt offentlichen mit disem briefe allermeniglich, die yn sehen ader horen lesen, das vnsere lieben getruwen burgermeister ratmanne vnd gemeyne zu Aldendresden vns ein gloubwirdige copien eins furstlichen priuilegii durch den hochgebornen fursten seliger gedechtnisse vnsern lieben vettern herren Wilhelm margrafen zu Missen, lantgrauen in Doringen vnd pfalzgrauen zu Sachsen yn vnd iren nachkomen uber burgerrecht vnd wigbilde daselbst zu Aldendresden zu haben mit etlichen andern sunderlichen gnaden vnd frieheiten darynne vßgedruckt, des datum ist zu Missen nach gotis geburte vierzehenhundert iare darnach in dem dritten iare an sentt Thomastage des heiligen zewelfboten, gegeben, furbracht vnd demutiglichen gebeten haben, das wir von vnsern besundern gnaden yn solich gemelt priuilegium mit allen vnd iglichen gnaden frieheiten gewonheiten darynne vormeldet vnd sust allem syme inhalt zuuenuwen, zu bestetigen — gnediglichen geruchten. Haben wir angesehen redelichkeit irer bete vnd auch das dieselbe vnser stat Aldendresden dester furderlicher an richthumb hanttirung vnd sust anderer redelichkeit zunemen vnd sich tegelichen bessere solle vnd moge vnd darumb den obgemelten burgermeister ratmannen vnd der ganczen gemeyne zu Aldendresden vnd allen iren nachkomen soliche obinberurte furstliche priuilegium — mit allen vnd iglichen gnaden — vernuwet bestetiget vnd confirmirt —. Hiebey sind gewest vnd geczugen die wirdigen gestrengen vnd vesten vnsere heimlichen rete vnd lieben getruwen er Johans Magdeburg tumprobst zu Nuemburg vnser canczler, er Caspar von Schonberg techand zu Missen, Jorge von Bebung vnser obermarschalck, er Diterich von Milticz, er Jhan von Slinicz rittere, Hans von Kokericz vnd sust andere vnserer manne vnd diener gloubwirdiger gnug. Zu orkund mit vnserm anhangendem insigel versigelt vnd geben zu Missen nach Cristi vnser herren geburt vierzehenhundert vnd darnach im nun vnd vierzigisten iaren am dinstage in den heiligen Oster tagen.

Nach dem Orig. im Rathsarchiv zu Dresden mit dem Siegel des Kurfürsten an einem Pergamentstreifen. Hasche Urkundenb. S. 255 nach Cop. 43 fol. 108^b im K. Haupt-Staatsarchiv.